

東臯握靈本草目錄卷之四

草部 計三十八種

青蒿

莞蔚

夏枯草

旋覆花

紅花

大小薊

續斷

大青

胡盧巴

牛蒡子

豨薺

芭蕉

蘆根

麻黃

木賊

燈心草

地黃

牛膝

紫菀

麥門冬

淡竹葉

蜀葵

款冬花

草決明

瞿麥

葶藶子

車前子

旱蓮草

連翹

青黛

扁蓄

紫花地丁

穀精草

刺蒺藜

沙苑蒺藜

大黃

大戟

商陸

車前子

旱蓮草

刺竹葉

僵萎

燒冬芥

草火心

無名

小兒

紫葳

麥門冬

靈芝

槐黃

木煎

紫心草

枯龍巴

半蓮子

蘇合

苦蕒

球芥

大小鹽

蘇合

大青

青蒿

黃綿

夏枯草

地黃

草

三十八

本草綱目本草目錄卷之四

東臯握靈本草卷之四

嘉定王翊編輯

草部三

青蒿

處處有之童便浸一日夜晒乾

主青蒿苦寒無毒主留熱在骨節間補勞瘦治瘧疾寒

熱傳金瘡止血止疼

發明青蒿得春木少陽之氣最早故所主之證皆少陽厥

陰血中之病又能治鬼疰伏尸

選方虛勞盜汗煩熱口乾用青蒿一斤取汁熬膏入人參

末麥門冬末各一兩熬至可丸丸服名青蒿丸

瘧疾寒熱青蒿陰乾桂心等分爲末每服一錢先寒用熱酒先熱用冷酒發日五更服一方青蒿四兩桂心

一兩

赤白痢下五月五日采青蒿艾葉等分同豆豉擣餅日乾名蒿鼓丹每用一餅水煎服

酒痔便血青蒿或莖或葉一件爲末糞前冷水服糞後

水酒調服

菘蔚

卽益母生海濱池澤白花者良紫花者爲野天麻

主菘蔚辛甘微溫無毒主明目益精除水氣活血養

治主女人崩帶產前產後諸病

發明芫蔚子活血行氣有補陰之功故名益母凡治胎前產後所恃者氣血也胎前無滯產後無虛以其行中有補也

芫蔚子爲手足厥陰經藥白花者入氣分紫花者入血分治婦女經脈不調胎產血氣諸病同四物香附諸藥獲效甚多

東垣言瞳子散大血不足者禁用爲其辛溫上散能助火邪也若血滯病目則宜之故又曰明目

婦人胎產諸病根莖花葉實並用若調經明目則單用子蓋根莖花葉專于行而子則行中有補也

方選

女人難產益母草汁一盞煎減半頓服胎死腹中同
上方產後血暈同上方產後血閉益母草汁入酒溫
服以益母草爲末蜜丸治胎產諸病名濟陰返魂丹
益母膏更能治折傷內損服至七日則疼漸平復

赤白雜痢日久困重者益母草陳鹽梅燒存性等分爲
末每服三錢白痢乾薑湯下赤痢甘草湯下名二靈

散

急慢疔瘡用益母草擣封之仍絞汁五合服卽消

勒乳成癰益母草爲末水調塗一宿瘥

喉閉腫痛益母草擣爛新汲水一盞絞濃汁頓飲隨吐

愈冬日用根

小兒初生益母草煎湯洗浴不生瘡疥

夏枯草

原野間甚多

主治夏枯草苦辛寒無毒主寒熱瘰癧結氣脚腫濕痺

明發夏枯草治瘰癧結氣有補養厥陰血脈之功

夏枯草治目珠疼至夜則甚者神效或用寒藥點之反甚者亦效夜與寒陰也夏枯草稟純陽之氣能補厥陰血脈故治此如神以陽治陰也

選方治目珠疼冷淚不止羞明怕日至夜則甚或用苦寒

藥點之反甚者夏枯草二兩香附二兩甘草四錢為

末每服一錢半清茶調服神效一方夏枯草半兩香
附子一兩為末每服一錢

血崩不止夏枯草為末每服方寸七米飲調下

瘰癧馬刀不問已潰未潰或日久成漏用夏枯草六兩
煎服虛甚者煎汁熬膏兼以十全大補加香附貝母

遠志尤善此物生血治瘰癧之聖藥也

旋覆花

生近道下濕處即金沸草如小錢大
深黃色凡使去皮及蒂洗淨微焙

主治旋覆花鹹溫有小毒主結氣脇下滿驚悸除水消胸

上痰結唾如膠漆胸中痰水膀胱留飲主水腫大腹止

嘔逆軟痞治噫氣

發
明旋覆花手太陰手陽明藥也其功只在行水下氣通
血脈爾仲景治傷寒汗下後心下痞堅噫氣不除有七
物旋覆代赭湯雜治婦人有三物旋覆湯胡洽治痰飲
在兩脇脹滿有旋覆花丸蓋鞭則氣堅旋覆之鹹以軟
堅也

行痰去水除風亦走散之藥病人涉虛者不宜多服冷
利大腸宜戒之

選方
耳瘡沿邊爛蝕名月蝕瘡旋覆花燒研摻之

紅花 處處有之凡
使酒噴微焙

主治
紅花辛溫無毒多用破留血少用養血

發明紅花苦温入心養血同桃仁去瘀血佐當歸生新血

血生于心包藏于肝屬于衝任紅花與之同類故能行

男子血脈通女子經水

選方仲景治六十二種風兼腹內血氣痛紅花一大兩為

四分以酒煎頓服不止再服

喉痺不通紅花搗汁一升服冬月以乾者浸濕取汁煎

服

產後血運紅花一兩為末分二服童便下胎死及胎

不下酒煮汁飲

大薊小薊

出北平者力勝今處處有之俗名野紅花大薊高三四尺小薊高一尺酒洗或童便拌微焙

治主大薊小薊並甘溫無毒大薊主養精保血止熱補

損小薊止血退熱能健養下氣也

明發大小薊皆能破血但大薊兼療癰腫而小薊專主

不能消腫也

選方崩中下血吐血竅血刺薊搗汁和酒服乾者以水煎

服亦治熱淋

墮胎下血益母草小薊根共五兩煎一二椀一日服

續斷

川產者良今所在山谷皆有生蔓延今皆用莖葉不似小薊色赤而瘦折之有烟塵者真否則為南續斷

浸焙用

治主續斷苦微溫無毒主傷寒補不足金瘡癰瘍續筋骨

助血氣補勞傷破瘀結消腫毒縮小便止遺泄理胎產
崩帶及跌撲傷

選方小便淋瀝續斷搗絞汁服乾者煮服

病血痢用平胃散一兩入川續斷末二錢半每服二錢

水煎服即愈

妊娠胎動兩三月墮預宜服此用續斷酒浸杜仲薑汁

炒去絲各二兩為末棗肉和丸米飲下

產後血暈心悶寒熱垂死惟此藥能救之

大青

處處有之用
莖葉陰乾用

主治大青苦大寒無毒一云甘微鹹主時氣頭痛大熱口

瘡熱毒痢黃疸喉痺

選方

熱毒下痢有大青湯大青四兩甘草赤石脂三兩阿

膠二兩鼓八合水煎分三服

治傷寒頭痛身強腰脊痛葛根湯內亦用大青大抵時

疾多用之

大青能解心胃熱毒不獨治傷寒也活人書治傷寒發

赤斑煩痛有犀角大青湯大青七錢半犀角二錢半

梔子十枚鼓二撮分二服煎服又熱病發斑大青四

物湯大青一兩阿膠甘草各二錢半鼓二合分三服

煎好入膠烱化

胡盧巴

番國蘿蔔子也。册客以其種蒔于嶺外。今出廣州。酒浸一宿。晒乾。或蒸或炒用。

主治胡盧巴苦大温無毒主疝瘕寒濕脚氣益右腎暖丹

田

明發胡盧巴右腎命門藥也元陽不足冷氣潛伏不能歸

元者宜之

方選胡盧巴丸治大人小兒小腸奔豚偏墜及有形如

走痛不可忍者用胡盧巴八錢茴香六錢巴戟去心

烏頭去皮各二錢棟實去核四錢吳茱萸五錢並炒

爲末酒糊丸如梧子每服十五丸小兒五丸鹽酒下

寒濕脚氣腿膝疼痛無力胡盧巴酒浸一宿焙破故紙

炒各四兩為末以木瓜切頂去瓢安藥在內令滿用
頂蓋合住簽定蒸爛搗丸梧子大溫酒下

陰癩腫痛或偏墜或小腸疝下元虛冷者沉香內消丸

沉香木香各半兩胡盧巴酒炒小茴香炒各三兩為

末酒糊丸鹽酒下

牛蒡子 一名鼠粘子又名大力子處
處有之酒拌蒸焙乾研粉用

主牛蒡子辛平無毒主明目補中潤肺散氣利咽膈去

風消斑疹毒

發明鼠粘子陽中之陰升也通十二經又云入肺故利咽

喉

鼠粘子其用有四治風濕癰疹咽喉風熱散諸腫瘡
之毒利凝滯腰膝之氣是也

選方痰厥頭痛牛蒡子炒旋覆花等分爲末臘茶清服一

錢日再

風濕水腫欲裂鼠粘子二兩炒研爲末溫水服二錢日

三服

懸癰喉痛風熱上搏牛蒡子炒生甘草等分水煎合

咽喉不利及小兒痘出不快壯熱咽腫用牛蒡子後

荆芥穗各一兩甘草半兩爲末湯服二錢小兒大便

利者勿服

風熱癰疹牛蒡子炒浮萍等分爲末薄荷湯服一錢

二服

熱厥頭痛連睛牛蒡子石膏等分爲末茶清服

咽喉痘疹牛蒡子二錢桔梗一錢半甘草七分煎服

時氣餘熱不退煩躁發渴不能食牛蒡根搗汁服一大

盞效

一切風疾一二十年者牛蒡根一升生地黃枸杞子牛

膝各三升漬酒服

豨薟

處處有之去根莖花實單用葉五月五日採者尤佳生則性寒熟則性溫酒蜜潤蒸

主治豨薟辛苦平無毒治肝腎風氣四肢麻痺骨痛膝弱

風濕諸瘡

發明蜀人單服豨薟法五月五日六月六日九月九日采

葉去根莖花實淨洗暴乾入甑中層層灑酒與蜜蒸之

又暴如此九徧則氣味極香美搗篩末蜜丸服之服後

須喫飯二三匙壓之云甚益元氣治肝腎風氣四肢麻

痺骨間冷腰膝無力亦能行大腸氣江陵節度使成訥進豨薟方內云有

人中風五年服豨薟丸而愈

選一切癰疽腫毒豨薟草端午採者一兩乳香一兩白

枯礬半兩為末每服二錢熱酒調下連進三服得汗

妙

芭蕉 江東多有

主 芭蕉根汁大寒主黃疸消渴天行熱狂血淋澀痛

發 明 蕉皮汁甘冷但主除頭風止煩渴療火傷長頭髮汁

曰蕉油

蘆根 去鬚節并赤黃皮

主 蘆根甘寒無毒主消渴客熱止小便利療反胃噎噦

傷寒內熱孕婦心熱

發 明 雷公云益食加觴須煎蘆朴註云用逆水蘆根并厚

朴二味等分煎服蓋蘆根甘能益胃寒能降火也

選 方 骨蒸肺痿不能食者蘆根飲主之蘆根麥門冬地骨

皮生薑各十兩橘皮茯苓各五兩水二斗煎八升分

五服取汗乃瘥

勞復食復並以蘆根煮濃汁飲并嘔噦反胃等證皆取

生汁單服

食狗馬肉毒腹脹口乾發熱妄語并取蘆根煮汁服食

蟹中毒亦妙

麻黃

生中牟者勝陳久者良凡用去根節水煮十餘沸掠去沫不令人悶

主治麻黃苦温無毒主中風傷寒頭痛温瘧發表出汗止

欬逆上氣水腫風腫去營中寒邪洩衛中風熱

明發麻黃氣味俱薄輕清而浮陽也升也手太陰之藥入

足太陽經兼走于少陰陽明

麻黃療傷寒解肌第一藥惟冬月正傷寒脈浮緊無汗者方可用之

仲景治傷寒有麻黃湯及葛根湯大小青龍湯皆用麻黃治肺痿上氣有射干麻黃湯厚朴麻黃湯皆大方也輕可去實葛根麻黃之屬是也六淫有餘之邪客于陽分皮毛之間腠理閉拒營衛氣血不行故謂之實二藥輕清成象故可去之麻黃微苦其形中空陰中之陽入足太陽寒水之經其經循背下行本寒而又受外寒故宜發汗以泄表實若過發則汗多亡陽或飲食勞倦及

雜病自汗表虛之證用之則脫人元氣不可不禁

麻黃乃肺經專藥故治肺病多用之仲景治傷寒無汗

用麻黃湯有汗用桂枝湯蓋無汗則皮毛外閉邪熱內

攻肺氣怫鬱故用麻黃甘草同桂枝引出營分之邪達

之肌表佐以杏仁泄肺而利氣汗後無大熱而喘者加

以石膏是則麻黃湯雖太陽發汗重劑實爲發散肺經

火鬱之藥也蓋有汗則腠理不密津液分泄而肺氣自

虛虛則補其母故用桂枝同甘草外散風邪以救表內

伐肝木以防脾佐以芍藥泄木而固脾泄東所以補西

也使以薑棗行脾之津液而和營衛也下後微喘者加

厚朴杏仁以利肺氣也汗後脈沉遲者加人參以益肺氣也加黃芩爲陽旦湯以瀉肺熱也是則桂枝雖太陽解肌輕劑實則理脾救肺之藥也又少陰病發熱脈沉者有麻黃附子細辛湯麻黃附子甘草湯少陰與太陽爲表裏所謂熟附配麻黃補中有發也

選方裏水黃腫仲景云一身面目黃腫其脈沉小便不利

甘草麻黃湯麻黃四兩煮去沫入甘草二兩煎服

少覆取汗不汗再服慎風寒從腰以上腫者宜此

水腫脈沉屬少陰麻黃附子湯麻黃三兩煮去沫入

草二兩附子炮一枚煎分三服取汗

風痺冷痛麻黃去根五兩桂枝二兩為末酒熬如飴每

水服一匙酒下至汗出為度

心下悸病不復麻黃丸用半夏麻黃等分蜜丸每服三

丸日三有寒水飲而悸者宜之

疔瘡因感風寒而倒靨者用麻黃蜜炒煎服便出

主治麻黃根節主自汗凡風溫濕溫氣虛血虛脾虛陰虛

胃虛痰飲中暑亡陽柔瘳等自汗之證皆可加而用之

如當歸六黃湯加麻黃根治盜汗捷于影響物理之妙

如此

選方產後自汗黃芪當歸麻黃根等分每服五錢加小麥

百粒煎服

木賊

所在近水處
有之去節用

主木賊甘微苦無毒主目疾退翳膜消積塊益肝膽療

腸風止痢婦人月水不斷崩帶

發明木賊得牛角腮麝香治休息久痢得禹餘糧當歸芎

藟治崩中赤白帶得槐蛾桑耳治腸風下血得槐子枳

實治痔疾出血

丹溪云木賊去節烘過發汗至易本草不曾言及時珍

亦云木賊氣溫味甘與麻黃同形同性故亦能發汗解

肌升散火鬱風濕治眼目諸血疾也

透目昏多淚木賊去節蒼朮泔浸各一兩每服二錢爲

末湯調下

急喉痺塞木賊以牛糞火燒存性冷水服一錢血出卽

安

血痢木賊五錢水煎服瀉血亦同

多年腸痔下血不止木賊枳殼各二兩乾薑一兩大黃

二錢半並于銚內炒黑存性爲末每粟米飲服二錢

效

胎動不安木賊去節川芎等分爲末每服三錢入金銀

煎服

婦人血崩痛不可忍久不瘥者雷氏木賊散木賊一兩

香附子一兩朴硝半兩為末每服三錢色黑者酒煎

紅赤者水煎和滓服日再臍下痛加乳香沒藥當歸

各一錢忌生冷猪魚油麪

燈心草 生江南澤地入藥宜生用研末甚難以米泔濕透研末入水浸之浮者是燈心也晒乾用

主治燈心草甘寒無毒治五淋瀉肺行水降心火止血通

氣治急喉痺

選方破傷出血燈心嚼爛傅之立止

衄血不止燈心一兩為末入丹砂一錢米飲服二錢

喉痺燈心紅花燒灰酒服一錢即消一方燈心灰二錢

蓬砂末一錢每吹一捻數吹立愈

濕熱黃疸燈草根四兩酒水各一半入瓶內煮半日露

一宿溫服

地黃

處處有之今人以懷慶者為上生地宜醇酒炒熟地宜薑汁炒更須佐以砂仁沉香二味納氣歸腎

主乾地黃甘寒無毒主傷中逐血痺除寒熱涼血生血

一切血逆瘀血留血及解諸熱

主治熟地黃甘微苦微溫無毒主填骨髓長肌肉生精血

補五臟內傷不足通血脈利耳目黑鬚髮男子五勞七

傷女子傷中胞漏經候不調胎產百病補氣血滋腎水

益真陰去臍腹急痛病後脛股酸痛

明發 生地黃入手少陰又爲手太陽之劑故錢仲陽瀉心

火與木通同用以導赤也諸經之血熱亦治之瀉血使
血皆同熱地黃溫而大補味厚氣薄陰中之陽沉也入
手足少陰厥陰之經治上治外須酒製

生地黃治心熱手足心熱能益腎水涼心血其脈洪實
者宜之若脈虛者則宜熟地黃假火力蒸九次故能補
腎中元氣仲景六味丸以之爲諸藥之首天一所生之
源也湯液四物湯治藏血之臟以之爲君者癸乙同歸
之治也

諸血得牡丹皮當歸和地黃和血生血涼血滋陰補髓

男子多陰虛宜用熟地黃女子多血熱宜用生地黃又
云生地黃能生精血天門冬引入所生之處熟地黃能
補精血麥門冬引入所補之處

生地黃生血而胃氣弱者恐妨食熟地黃補血而痰飲
多者恐泥膈然生地黃酒炒則不妨胃熟地黃薑汁炒
則不泥膈此皆得用地黃之精微者也

選方服食法生地黃汁熬入蜜再熬成膏可丸則丸之或
加青州棗肉爲丸服之三年延年不老

瑤玉膏生地黃十六斤取汁人參末一斤白茯苓三兩
白沙蜜十斤拌勻入磁器重湯煮三日夜浸井底一

夜再煮一伏時酒點服丹溪云好色虛人咳

者服之甚捷

明太醫院進冬枸杞子末各一斤

御服食加天門仁加琥

兩半

明目補腎生熟地黃各二兩椒紅一兩為末蜜丸鹽湯

下

肺損吐血或舌上有孔出血生地黃八兩取汁童便五

合同煎入炒鹿角膠粉一兩分三服

地髓煎乾生地黃二斤鹿角膠一斤水浸同煎成膠又

以薑汁蜜各升許同熬又以酒研蘇子四兩取汁光

入膠次入薑蜜和勻再熬數沸入瓶空心酒化服一

七大補益

一味生地黃煎膏或爲丸治男婦虛損勞嗽吐血妊娠

胎漏產後百病

一切吐衄生地黃同大小蘗各半搗汁和童便飲神效
心熱吐血生地黃汁半升熬至一合入大黃末一兩待
成膏爲丸梧子大每熟水下五丸至十丸

吐血便血生地黃汁六合入牛皮膠一兩煎化入薑汁
半盞分三服

腸風下血生熟地黃並酒浸五味子等分丸服

小便血淋生地黃汁車前葉汁各三合和煎服

月經不調久而無子乃衝任伏熱也熟地黃八兩當歸
二兩黃連一兩並酒浸一夜焙研丸服

妊娠衝任脈虛胎痛宜抑陽助陰內補丸用熟地黃二
兩當歸一兩焙丸服胎漏生熟地等分每服半兩加

白朮枳殼煎湯服

產後血痛有塊并經行後腹痛不調黑神散熟地黃一
斤陳生薑半斤同炒乾爲末每服二錢酒下

病後虛汗口乾心躁熟地黃五兩水三盞煎盡半分二

服

熱痢不止生地黃半兩地榆七錢半甘草二錢五分水

煎服
血熱生癬生地黄汁頻服之

眼暴赤痛生地黄黑豆各二兩搗膏臥時以鹽湯洗目

閉日以藥厚罨目上至曉水潤取下

一切癰疽疼痛生地黄浸爛擣如泥攤患處搽木香末

于中又攤地黄泥一層貼之不過三五度即內消也

有瘀血在腹者生地黄汁三升酒一升半煮分三服

不愈

才齧努肉生地黄自然汁一盃牙皂角數條

以汁火炙汁盡為度為末傅之

牛膝

川產及懷慶產者良根長柔潤有力者佳土牛膝亦可用

治^上牛膝苦酸平無毒主寒濕痿痺四肢拘攣膝痛逐而

氣墮胎補中續絕強陽益精利陰氣填骨髓助十二經

脈止腦痛齒痛喉痺尿血莖痛久瘧寒熱

發明牛膝苦酸腎肝藥也能引諸藥下行筋骨痛風在下

者宜加用之

牛膝所主之病大抵得酒則能補肝腎生用則能去惡

血其治腰膝骨痛足痿陰消失溺久瘧傷中少氣諸病

非取其補肝腎之功與其治癥瘕心腹諸痛癰疽惡瘡

金瘡折傷喉齒淋痛尿血經候胎產諸病非取其去惡

血之功與

簡誤云牛膝悞用傷胎上焦藥中勿用血崩不止者

之

方選小便淋澁莖中痛欲死或尿血脹痛及婦人血結

痛牛膝煎濃汁日飲四五服水酒俱可煎病十年

亦愈

老瘡久積牛膝一握酒煎清早一服未發前一服臨

時一服再作不過三劑瘡

鶴膝風痛牛膝木瓜石斛草薺生地黃黃檗五加皮

碎補續斷等丸服

消渴不止下元虛損牛膝五兩爲末生地黃
之日曝夜浸汁盡爲度蜜丸温酒下

喉痺乳蛾新鮮牛膝根一握和入乳擣取汁灌

或以陳醋同擣汁灌之

瘡在陰分牛膝根苗用二三兩濃煎調鱉甲末三錢

心服三劑必瘥胃虛加人參

痢下應先白後赤若先赤後白爲腸蠱牛膝二兩搗

酒漬一宿每服一兩盃日三

婦人月經淋閉繞臍寒疝及產後血氣不調腹中

不散牛膝酒浸一宿焙乾漆炒令烟盡各一兩爲末

生地黄汁一升入石器內慢火熬至可丸梧子大每

服二九空心米飲下亦以蜜封血氣不歸中

產後尿血牛膝水煎頻服日三

生胎欲去牛膝一握酒一盞空心頓服半粒二兩

胎死腹中牛膝當歸生地黄等分煎服胎衣不下加朴

硝立下牛膝淋消用二三兩煎服

胞衣不下牛膝八兩葵子一合煎二升分三服

老人久苦淋疾百藥不效惟服牛膝一味可愈名地髓

湯

紫苑

生漢中近道亦有節紫色潤柔軟者佳今人多以車前旋覆根赤土染偽之無紫苑則白苑亦用不如紫

主紫菀苦溫無毒主欬逆上氣胸中寒熱結氣療欬唾
膿血止喘悸

發明紫菀爲肺家要藥益肺調中消痰定喘如肺無津液
正宜服此

紫菀根如北細辛者良今人多以車前旋覆根赤土染
過僞之紫菀肺病要藥肺本自亡津液又服走津液藥
爲害滋甚不可不慎故肺傷欬逆上氣欬吐膿血痰喘
者宜之

選方肺傷欬嗽紫菀五錢水煎溫服日三

久嗽不止紫苑款冬花各一兩百部半兩為末每服二

錢薑三片烏梅一箇煎湯調下單服亦良

吐血後欬嗽者紫苑五味子為末蜜丸如芡子每服一

丸含化

小兒欬嗽聲不出者紫苑末杏仁等分蜜丸每服一丸

五味子湯下

婦人小便率不得出紫苑為末井水服三錢小便血者

服五錢即止

麥門冬

出江寧者小出新安者大凡用取肥大者湯洗去心或以瓦焙軟乘熱去心作滋補藥以酒浸

治麥門冬甘平無毒主心腹結氣傷中羸瘦短氣虛

客熱口乾燥渴肺中伏火心氣煩熱肺痿吐膿時時
狂

發明麥門冬微寒陽中微陰入手太陰經氣分治肺熱
功爲多其味苦但專泄而不專收寒多人禁服治心
虛熱及虛勞與地黃阿膠麻仁同爲潤經益血復脈
心之劑與五味子枸杞子同爲生脈之劑

麥門冬治肺中伏火脈氣欲絕者用生脈散人參甘
瀉熱火而益元氣麥門冬苦寒滋燥金而清水源五味
子酸溫瀉丙火而補庚金兼益五臟之氣也

按天冬麥冬並入手太陰肺而麥門冬兼入手少陰心

清心降火使肺不犯賊邪故止欬立效天冬兼走足少
陰腎滋助腎元令肺得全其母氣故消痰有殊功蓋痰
係津液凝成腎主津液故也故上而止欬天冬遜于麥
冬下而消痰麥冬遜于天冬則天冬能治痰之本不能
治痰之標麥冬治痰之標不能治痰之本也

選方消渴飲水麥門冬黃連等分和丸每服五十丸甚者
一百五十丸不過三劑平復也

衄血不止麥門冬生地黃各五錢水煎服或單取門冬
一斤自然汁和蜜二合作二服

咽喉生瘡脾肺虛熱上攻也麥門冬一兩黃連五錢蜜

丸每服二十九門冬湯下

男女血虛麥門冬三斤取汁生地黃三斤取汁熬成膏

入蜜四分之一再熬成瓶收白湯點服忌鐵器

淡竹葉

處處原野有之乃草本也苞木中另有淡竹

治主淡竹葉甘寒無毒去胃熱利小便清心

蜀葵

一名戎葵戎蜀其所自來今處處有之紅色單葉者入藥用

治主蜀葵根甘微寒滑無毒主客熱利小便散膿血

治主蜀葵花鹹寒無毒主帶下和血潤燥通利大小腸

治主蜀葵子甘冷主淋瀝墮生

選方小便血淋芩根二錢車前子一錢水煮服之

婦人帶下臍腹冷痛痿黃虛困葵花一兩陰乾爲末每

空心酒服二錢花色隨紅白用石淋者服之出石

難產蜀葵子二錢滑石三錢爲末順流水服催生最也

附黃芩葵卽秋葵也其子及根爲催生利小便要藥也

冬葵同功

款冬花

出河北者第一今出雍州葉似葵花出根下今白
筋頭者未有花也今人以枇杷花代之以枇杷

冬花故也甘草
水浸晒乾用

主治款冬花辛溫無毒主欬逆上氣善喘喉痺

發明款冬花純陽入手太陰經杏仁爲之使得紫

方 有人病嗽多日或教用款冬花三兩蜜拌納

錫下著火以葦管吸其烟滿口則咽之數日果

痰嗽帶血款冬花百合蒸焙等分為末蜜丸龍眼

臥時嚼一丸薑湯下之

草決明

處處園圃時之結角如初生細紅豆角中子數一
粒參差相連狀如馬蹄青紫色入眼目藥最良

治草決明鹹平無毒一云甘苦微寒主青盲目淫膚

白膜眼赤淚出

發明決明治肝熱風眼赤淚每旦取一匙按淨百日後夜

見物光玉旻言決明切忌泡茶多食無不患風殊不知

其有利五臟明目之功也

選補肝明目決明子一升蔓菁子二升酒煮曝乾為末

每服三錢温水下

青盲雀目決明一升地膚子五兩為末米飲丸米飲下

癬瘡蔓延決明子一兩為末入水銀輕粉少許研不見

星擦破上藥立瘥此東坡家藏方也

瞿麥

今生近道凡使只用葢殼不用莖葉若一時同使令人氣噎小便不禁也用時以竹瀝浸一伏時漉晒

主治 瞿麥苦寒無毒主關格諸癰結小便不意決癰腫明

目去翳破胎墮子下閉血

發 瞿麥利小便為君主之用

八正散用瞿麥為通心經要藥若心經雖有熱而小腸

虛者服之則心熱未退而小腸別作病矣蓋小腸與心

為傳送故用此入小腸並不治心熱

選方小便石淋宜破血瞿麥子為末酒服方寸七日三當

下石

小便不利括萆瞿麥丸主之瞿麥二錢半括萆根二兩

大雞子一箇茯苓山藥各三兩為末蜜丸梧子大每

服三九日三未知益至七八丸以小便利腹中溫為

知也

下焦結熱小便淋閉或九竅出血瞿麥穗一兩甘草炙

七錢五分山梔仁炒半兩為末每服七錢加葱白燈

心生薑水煎時時溫服

九竅出血服藥不止瞿麥一把山梔仁三十箇生薑一

塊甘草炙半兩燈草一小把大棗五枚水煎服

刀箭入咽喉胸膈諸要害處不出酒服瞿麥末方寸匕

日三

葶藶子

出曹州有二種甜者走泄緩苦者走泄速凡使糯米拌微焙米熟為度宜與大棗同用

主治葶藶子辛寒無毒一云苦大寒癥瘕積聚下膀胱小

伏留熱氣皮間邪水上出面目浮腫療肺壅喘嗽痰飲

發明葶藶苦寒大降氣與辛酸同用以導腫氣本草土

云洩可去閉葶藶大黃之屬此二味皆大苦寒一洩

一洩氣閉葶藶氣味俱厚能洩湯分肺中之閉

不能洩大便利小便除痰飲為體輕象陽故也

葶藶有甜苦二種仲景瀉肺湯用苦餘方或有用甜

大抵苦則下泄甜則少緩量病人虛實用之照原

丹溪云葶藶屬火性急善逐水虛人宜遠不必久服

後虛也其合之期常不數日或下陷及腎氣虛脫者忌

苦葶藶下泄性急泄肺而傷胃故以大棗輔之然肺中

水氣贖滿急者非此不能除但水去則止不可過劑

選方陽水暴腫而赤煩渴喘急小便澀用葶藶一兩半炒

研末漢防已末一兩以綠頭鴨血及頭合搗萬杵丸

如梧子甚者空腹白湯下十九輕者五九日三四服

五日止小便利為驗

徧身腫滿苦葶藶四兩為末棗肉和丸桑白皮湯下十

五丸日三服

痰飲咳嗽葶藶一兩隔紙炒令黑知母一兩貝母一兩

為末棗肉半兩沙糖一兩半和丸彈子大每以新綿

裹一丸含之嚥津不過三丸

肺壅喘急不得臥葶藶大棗瀉肺湯主之葶藶炒黃搗

末蜜丸如彈子每用大棗二十枚水三升煎取一升

入葶藶一丸煎取一升頓服亦主支飲不得息

車前子

南北地皆有之入湯液淘洗晒乾炒用
入丸散以酒浸一夜蒸晒焙研粉用

治車前子甘寒無毒主氣癰止痛利小便除濕痺養肺
強陰益精令人有子養肝明目婦人難產

發明車前子能利小便而不走氣與茯苓同功

車前有治目之功大抵入服食須佐他藥如六味丸之
用澤瀉可也若內傷勞倦陽氣下陷及腎氣虛脫者忌

與淡滲藥同用

選方久患內障車前子乾地黃麥門冬等分爲末蜜丸如

梧子大服之

肝腎俱虛眼昏黑花或生障翳迎風有淚用車前子熟
地黃酒蒸焙各三兩兔絲子酒浸五兩爲末蜜丸梧

子大名駐景丸每温酒下三十丸日再古今以為奇

方

五子衍宗丸用車前子為生精種子要藥

小便不通為石淋車前子末服二錢葉汁更捷

產後血滲大小腸車前草葉汁一升入蜜一合和煎一

服分二服

單服療諸淋及孕婦熱淋又能滑胎易產

獨以車前炒為末米飲下二錢治暴瀉神效

旱蓮草一名金陵草所
在下濕地有之

旱蓮草甘酸平無毒主烏鬚髮益腎陰止血排膿

臂截瘡早蓮草連爛男左女右置寸山止以古文
錢壓之良久起小泡謂之天灸其瘡卽止甚効

偏正頭痛早蓮草汁滴鼻中

全陵煎能益髭髮變白爲黑六月以後收採揀青嫩無

泥土者一秤不用水洗搗爛絞取汁日中煎五日又

取生薑一斤絞汁白蜜一斤合和日中煎攪勿停手

待如稀餈爲度每早及午後各服一匙溫酒化下其

效甚速

烏鬚固齒早蓮草一斤酒洗淨青鹽四兩淹兩三宿同

汁炒存性研末日用揩牙并嚙汁

腸風臟毒下血不止旱蓮草焙研末服二錢米飲下

連翹

生川蜀者勝江南下澤極多

主連翹苦平無毒主寒熱鼠瘻癰腫惡瘡血結氣

聚消腫瀉心火除脾胃濕熱中郛血證

發明連翹氣味俱薄輕清而浮陽也云陰中陽也入手

足少陽手陽明又入手少陰

連翹之用有三瀉心經客熱一也去土焦諸熱二也為

瘡家聖藥三也丹溪阿魏丸治肉積保和丸治食積並

用連翹去上焦諸熱為要藥天灸其熱噴土甚效

連翹狀似人心兩片合成諸痛癢瘡皆屬心火故為

二經瘡家聖藥乃結者散之之義又治耳聾輝輝焮焮
實火者宜之

選方仲景治傷寒淤熱在裏欲發黃者麻黃連軹赤小豆
湯主之乃連翹根也

瘰癧結核連翹脂麻等分類服

項邊馬刀屬少陽經用連翹二斤瞿麥一斤大黃三兩
甘草半兩每用一兩水煎食後熱服六十日效

痔瘡腫痛連翹煎湯薰洗外以飛過綠礬加麝香貼之

青黛

舊出波斯國今以染澱甕上沐用之須淘
之數次取浮標用俗取靛花功用亦同

主治青黛鹹寒無毒主解諸藥毒小兒諸熱驚疳天行頭

抄靈不立 卷之四
痛寒熱瀉肝散鬱火

選方有人嗜酒多食魚蟹臍上腹下下連二陰徧生濕瘡

以馬齒莧入青黛研勻塗之熱減痛止仍以八正散
日三服藥乾卽上數日愈

心口熱痛薑汁調青黛一錢服之

肺熱咯血用青黛一兩以牡蠣粉炒杏仁一兩研

丸作三十餅子每服一餅以乾柿半箇夾定濕

煨香嚼食粥飲送下

孩兒疳痢用青黛散闕方有歌想只青黛

產後發狂四物加青黛服

耳疳 汁青黛黃檗末乾

傷寒赤斑青黛二錢水研服

陰陽易病手足拘急小腹急熱頭不能

日難治藍一把雄鼠屎三七枚水煎服

雄也

扁蓄 處處有之

主治 篇蓄苦平無毒主浸淫疥瘡疽痔女子陰

疸利小便

選方 熱淋澁痛篇蓄煎湯服

黃疸屬熱篇蓄搗汁服一升

惡瘡痂癢篇蓄搗封痂落即瘥

紫花地丁

處處有之

主治紫花地丁苦辛寒無毒主一切癰疽發背疔腫瘰癧

無名腫毒惡瘡

選方黃疽內熱地丁草爲末酒服三錢

癰疽發背地丁草三伏時收以白麩和成鹽醋浸一夜貼之數日痊一方以地丁根去粗皮同白蒺藜爲末

油和塗神效

稻芒粘喉不得出地丁草嚼咽

喉痺地丁草葉入醬，研膏點入取吐

丁瘡腫毒紫花地丁草葱頭蜜共搗貼之

穀精草

收穀後荒田中生之江南江北多有

上治穀精草辛溫無毒一云甘平主頭風痛目盲翳膜痘

後目翳

選方偏正頭痛穀精草一兩為末以麪糊調攤紙上貼痛

處乾換

目中翳膜穀精草防風等分為末米飲服之甚驗

痘後目翳隱澁淚出久而不退用穀精草為末以猪肝

蘸食日食之

雀目至晚不見物羊肝一具不用水洗竹刀剖開

精草一撮瓦罐煑熟日食之屢效

有三角刺人名杜蒺
處處有之去刺用

茶苦温無毒主惡血癥瘕喉痺乳難諸風瘡瘍

明目輕身

秘同牙皂為末治月經不通同當歸為末

母為末單用補肝明目

刺蒺藜後世多用沙蒺藜功用不

藜如羊內腎

豆氣者真

治腰痛泄精虛損勞乏

行酒炒

無毒主下瘀血血閉寒熱破癥瘕積聚留
腸胃推陳致新安和五臟下氣除痰實女
閉諸老血留結時疾煩熱調血脈利關節下痢裏
便淋瀝黃疸

黃氣味俱厚沉而降陰也足太陰手足陽明手足
厥陰五經血分之藥用之須酒浸煨熟者寒因熱用也
酒浸入太陽經酒洗入陽明經餘經不用酒邪氣在上
必用酒浸引上至高之分如物在高巔必射而取之若
生用則遺至高之邪熱是以愈後或日赤或喉痺或頭

腫或膈上熱疾生也

凡病在氣分及胃寒血虛并妊娠產後並勿輕用其性苦寒能傷元氣耗陰血故也

張仲景治心氣不足吐血衄血瀉心湯用大黃黃芩黃連或曰心氣不足而不用補心湯更用瀉心湯何也答曰若心氣獨不足則當不吐衄也此乃邪熱因不足而客之故令吐衄以苦泄其熱以苦補其心蓋一舉而兩得之有是證者用之無不效惟在量其虛實而已

凡病在五經血分者宜用之若在氣分用之是謂誅伐

無過矣

經云心之氣者用大黃黃連瀉心湯此方

心虛心虛病發于陰而反下之則作痞

邪氣乘虛結于上焦胃之上腕在于心

也病發于陽而反下之則成結胸乃

血分亦在上腕分野仲景大陷胸湯丸皆用

脾胃血分之邪而降其濁氣也若結胸在氣

用小陷胸湯痞滿在氣分則只用半夏瀉心湯

已註釋傷寒論亦不知分別此義

衄血心氣不足用瀉心湯大黃三兩黃芩黃連

兩詳見方論

五卷之四
本痞滿瀉心湯大黃二兩黃連一兩每服三錢

勿寒發黃大黃一兩煎汁入芒硝一兩每服三錢

一切壅滯痰食血氣大黃同牽牛爲丸

痰爲百病滾痰丸惟水瀉胎產前後不可用大黃酒浸

蒸晒八兩生黃芩八兩沉香半兩青礞石二兩以焰

消二兩同入砂礮固濟煨紅研末同前三味以水和

丸梧子大常服一二十丸溫水吞下卽臥勿動候藥

逐上焦痰滯次日先下糟粕次下痰涎未下再服

心腹諸疾三物備急丸大黃巴豆乾薑各一兩搗篩蜜

丸小豆大每服三丸凡中客忤心腹脹滿痛如錐刀

氣急口噤卒死者以暖水或酒服之未知再服三九
腹中鳴轉當吐下卽愈

諸痢初起煨熟大黃當歸各二三錢壯人一兩水煎或
加檳榔一方大黃一兩酒浸一宿去大黃溫酒頓服
久患積聚上搶心二便不利大黃白芍各二兩爲末水
丸每湯下四十九日三以知爲度

脾癖疳積大黃三兩醋一碗熬成膏晒露三日再用船
琉黃如琥珀者一兩官粉一兩同研勻爲末十歲以
下小兒半錢大人一錢半忌生冷魚肉一服不愈半
月之後再服

不能言語涎流吐逆氣出轉大牙齒動搖絕

名傷寒併熱大黃人參各半兩水煎熱服

胸中有火也大黃一兩甘草二錢半水煮溫

加大黃酒煎服

一兩杏仁三七粒或大黃當歸等

等分爲末水調塗日四五次

痛滅癩

大風癩疾大黃阜角刺各一兩爲末每服方寸七空心
溫酒下取出惡物盡乃服雄黃花蛇等藥名通天再
造丸

赤白濁淋好大黃爲末每服六分以雞子一箇破頂入
藥攪勻蒸熟空心食之不過三服愈

小兒骨蒸積熱漸漸黃瘦大黃四分童便五六合煎四
合去渣空腹分二服

濕熱眩暈不可當者酒炒大黃爲末茶清服二錢急則
治其標也

風熱牙痛口氣紫金散好大黃瓶內燒存性爲末早晚

牙漱去大有奇效

痛齧常出血漸至崩落口臭大黃米泔浸軟生

各切一片合定貼之一夜即愈

爛大黃枯礬等分為末擦之吐涎

澤甚多用棗肉糞軟去骨晒乾反
共苗即名澤漆利水與大戟同

寒有小毒主十二水通月水墮胎

世水之藥濕勝者苦燥以除之也

無處不到入於心則迷竅而成

嗽而成咳唾稠粘喘急背

大濕神效大黃

莫煩之合煎銀絲... 引隱痛陳無擇三因

水煎不開手只對... 效此乃治痰之本水與濕

消... 甘遂能行經隧之水濕白芥

水煎... 痰氣故也錢仲陽治痘瘡變黑歸

銀水... 貫則瀉其子腎邪實而瀉肝也大戟

養日... 綠肝膽之色也故百祥膏又治嗽而

景亦云心下痞滿引脇下痛乾嘔短氣

主之其中亦有大戟則百祥之瀉肝膽明矣

方選... 治嗽而吐青綠水又治痘瘡歸腎紫黑乾陷

大戟柴水煮極軟去骨日乾焙為末水丸粟米大每

服一二十九研赤脂麻湯下又治痘瘡黑陷大便閉
結大戟一兩棗十枚水煮暴乾去大戟以棗爲丸從
少至多以利爲度

控涎丹治痰涎留在胸膈上下變爲諸病紫大戟白甘
遂白芥子微炒各一兩爲末薑汁打糊丸如梧子每
服七丸或二十九津液嚥下若取利則服五六十丸
水腫喘滿小便濇及水蠱大戟炒二兩乾薑炮半兩爲
散每服三錢薑湯下大小便利爲度
水腫不問年月淺深大戟當歸橘皮各一兩以水二升
煮取七合頓服利下水二三升勿怪至重者不過再

東華服禁毒食一年永不復作

又方水腫腹大如鼓徧身浮腫用棗一斗入錫器鍋內
水浸過以大戟根苗蓋之瓦盆合定煮熟取棗無時

水食之棗盡決愈

牙齒搖痛大戟咬于痛處良

商陸

所在有之白者入藥
米泔浸兩宿豆葉蒸

主治商陸辛平有毒一云酸主水腫疝瘕喉痺通大小腸

發明商陸專于下水其性下行與甘遂大戟異性而同功

惟療水貼腫其效如神

選方濕氣脚軟商陸切細煮熟更以綠豆同煮為飯每

食之以瘥為度最效

腹中有物如石痛刺啼呼不治百日死取商陸

或蒸之以布襯腹上然後安藥勿覆冷即易

勿息

又方以商陸根汁一升杏仁泥一兩火

許空腹熱酒服以利下惡物為度

水氣腫滿商陸根切如豆大水

盞煮粥每日空心服之取

石癰如石不作癰者商陸

東臯握靈本草卷之四終

東臯握靈本草目錄卷之五

草部 計三十五種

甘遂

蓖麻子

常山

藜蘆

附子

烏頭

天雄

天南星

半夏

射干

芫花

兔絲子

五味子

覆盆子

馬兜鈴

使君子

牽牛

栝萸實

天花粉

葛根 附葛花

天門冬

百部

何首烏

草薺

山豆根

威靈仙

防己

木通

釣藤

忍冬藤

澤瀉

菖蒲

本草綱目卷之...

蒲黃

石斛

骨碎補

天門冬

百術

何首烏

地黃

牽牛子

蘇合

天竺

蔓草

正和子

黃芩

黑炭

蛇蛻

半夏

佛手

茯苓

桑絲子

剛子

貝母

天麻

天南星

甘藷

黃麻子

常山

藜蘆

草藓

情三十一

本草綱目卷之...

嘉定王翊編輯

草部四

甘遂

陝西江東皆有之實以連珠實重者良赤皮者佳白者性劣麪煨熟用以去其毒反甘草

治甘遂苦寒有毒主大腹疝瘕腹痛面目浮腫留飲宿

食破癥堅積聚利水穀道瀉十二種水疾去痰水瀉腎

經及墜道水濕脚氣囊腫

發明甘遂專于行水氣味寒苦直達水氣所結之處乃泄

水之聖藥故仲景大陷胸湯用之但有毒不可輕用

腎主水凝則為痰飲溢則為腫脹甘遂能泄腎經濕氣

治痰之本也不可過服中病則止仲景治心下留飲與
甘草同用取其相反而立功也劉河間云凡水腫服藥
未全消者以甘遂末塗腹連臍令滿內服甘草水其腫
便去又王璆治脚氣上攻結成腫核及一切腫毒用甘
遂末水調敷腫處卽濃煎甘草汁服其腫卽散二物相
反而感應如此

選方腎水流注腿膝攣急四肢腫痛甘遂二錢生研爲末
以豬猪腰子一枚分爲七瓣入末在內濕紙包煨令
熟每用二錢溫酒嚼下當利黃水爲効一方加木香

四錢

水腫喘急十棗丸甘遂大戟芫花等分以棗肉丸梧子
大每服四十丸侵晨熱湯下利去黃水為度否則次
午再服

妊娠腫滿氣急二便不通服猪苓湯不效用甘遂二兩
搗篩蜜丸每服四五丸得微下仍服猪苓散

小便轉胞甘遂末一錢猪苓湯調下立通

二便不通以甘遂末和麩調傅臍中及丹田仍艾灸三
壯飲甘草湯以通為度

心下留飲堅滿脈伏其人欲自刳反快甘遂半夏湯用
甘遂大者三枚半夏十二枚以水一升煮半升去滓

入芍藥五枚甘草一節水二升煮半升去滓以蜜半

升同煎八合頓服取利

出金匱玉函

疝氣偏腫甘遂茴香等分爲末酒服二錢

仲景治婦人血結少腹滿如鼓狀小便微難而不渴此

爲水與血俱結在血室大黃二兩甘遂阿膠各一兩

水煮頓服其血當下

膈氣哽噎甘遂煨五錢南木香一錢爲末壯者一錢弱

者五分水酒調下

蓖麻仁 今在處有之子無刺者良有刺者毒以鹽湯浸煮半日去皮取子研用

主治 蓖麻仁甘辛平有小毒主外治

明發 蓖麻屬陰其性善收能追膿取毒亦外科要藥能出
有形之物故取胎產胞衣剝骨膠血者用之

蓖麻辛熱有毒氣味頗近巴豆故能利水氣其性善走
能開通諸竅經絡故能治偏風失音口噤口目喎斜頭
風七竅諸病不止出有形之物而已蓋鶉鵝油能引藥
氣入內蓖麻油能拔病氣出外故諸膏多用之一人病
偏風手足不舉用蓖麻油同羊脂麝香川山甲等藥煎
作摩膏日摩數次月餘漸復兼服搜風化痰養血之劑
而瘥一人病手臂一塊腫痛亦用蓖麻搗膏貼之一夜
而愈一人病氣鬱偏頭痛用此同乳香食鹽搗煖太陽

穴一夜痛止一產婦子腸不收搗仁貼其丹田一夜而

上此藥外用累奏奇效但內服不可輕率耳

選方舌上出血蓖麻油紙撚燒烟薰鼻中自止

舌脹塞口或出外蓖麻仁四十粒搗油作紙撚燒烟薰

之未退再薰以愈為度

急喉痺塞牙關緊急用蓖麻油紙撚薰吸即通

小便不通以蓖麻三粒搗細入紙撚內插入莖中即通

胞衣不下取蓖麻七粒研膏塗脚心下即急去之如子

宮不收塗頂心即上上亦即急去之

一切毒腫痛不可忍蓖麻子搗傅即止

面上雀斑蓖麻仁密陀僧硫黃各一錢爲末用羊脂研
和夜夜塗之

鼻塞不通蓖麻子肉三百粒大棗去核十枚搗勻綿裹
塞之一日一易三十日瘥

耳卒聾閉蓖麻子肉一百箇大棗十五枚搗爛入人乳
和丸作挺每以綿裹一枚塞之覺耳中熱爲度一日
一易二十日瘥

鍼刺入肉蓖麻子肉一箇先以帛襯傷處傳之頻看若
見刺卽拔去遲則恐努出好肉或加白梅肉同研尤

好

常山

南北諸州皆有之形如雞骨者良酒浸一宿切片慢火炒苗曰蜀漆

主治常山苦寒有毒主寒熱發溫瘧鬼毒胸中痰結吐逆

發明常山蜀漆有劫痰絕瘧之功須在發散表邪及提出

陽分之後用之夫瘧有六經瘧五臟瘧痰濕食積瘴疫

鬼邪諸瘧須分陰陽虛實不可一槩論也常山蜀漆生

用則上行必吐酒蒸炒熟用則氣稍緩少用亦不致吐

也得甘草則吐得大黃則利得烏梅鮫鯉甲則入肝得

小麥竹葉則入心得秫米麻黃則入肺得龍骨附子則

入腎得草果檳榔則入脾二物之功亦在逐痰祛水而

已

癰家多蓄痰涎乃生寒熱水在上焦常山能吐之水在
脇下常山能下之但須行血藥品佐助必收十全之功
其有純熱發癰投以常山大便秘滴點而出用大黃爲
佐泄利數行而後愈又嶺南瘴癘邪在榮衛皮肉之間
非常山不能去但性吐人惟以七寶散冷服之卽不吐
且驗也

選方常山專用截瘧王隱者方常山酒煮晒乾知母貝母
草果各一錢半水煎半熟五更熱服此方神效查再
酒煎臨發服

又方恒山一錢二分大黃二錢半炙甘草一錢二分水

一盞半煎五更温服查再煎未發時温服此方治間

日瘧

温瘧熱多常山一錢小麥三錢淡竹葉二錢水煎五更服甚良

治諸瘧不拘遠近大小恒山一錢半檳榔一錢丁香五分烏梅一箇酒浸一宿五更温飲一服便止永不發十年老瘧常山黃連各一兩酒三升漬一宿煮取一升半發日早服五合發時再服熱當吐冷當利無不瘥者

又張文仲備急方恒山一兩半龍骨五錢附子炮二錢

半大黃一兩爲末雞子黃和丸梧子大未發時五丸
將發時五丸白湯下此方神驗無不斷者

妊娠瘡疾常山石膏煨各一錢烏梅炒五分甘草四分
水酒各一半浸一夜平旦溫服

牡瘡獨熱不寒者蜀漆一錢半甘草一錢麻黃二錢牡
蠣粉二錢先煎蜀漆麻黃去沫入沒藥同煎服得吐
卽止

牝瘡獨寒不熱者用蜀漆雲母煨三日夜龍骨各二錢

爲末每服半錢發前一服臨發一服酢漿水調下

藜蘆

近道有之凡使用糯米泔煮二時晒乾用凡用不
過錢七一字則惡吐人反人參玄參細辛苦參

治藜蘆辛寒有毒主蠱毒欬逆洩痢腸澼吐上膈風涎
噦逆亦反胃用吐法去痰積之義吐藥不一常山吐瘡
痰瓜蒂吐熱痰烏附尖頭吐濕痰萊菔子吐氣痰藜蘆
則吐風痰者也一婦病風癰自少年至四十歲或日作
或一日至十餘作偶食葱蔥苗吐涎如膠連日去一二
斗汗出昏困而病去葱蔥卽藜蘆也明荆王妃中風不
省人事牙關緊閉藥不能入去一齒濃煎藜蘆湯灌之
少頃吐痰而甦藜蘆防風湯洗焙乾切炒
每服只用半錢小兒減半

選方諸風痰飲藜蘆十分鬱金一分爲末每以一字溫漿

水服探吐

久瘡痰多不能食欲吐不可藜蘆末半錢溫蠶水調下

探吐

牙齒蟲痛藜蘆末內入孔中勿吞汁神效

白禿瘡有蟲藜蘆末猪油調敷

頭生蟣虱藜蘆末摻之

附子烏頭

天雄附子烏頭並出蜀道綿州龍州惟赤水一鄉者佳餘處雖有造得者力弱不相似烏頭如

芋魁附子如芋子如子附母也一云春採者為

烏頭冬採者為附子一云俱八月采造也據附

子以罇坐正節角少重一兩者佳熟用以沸湯

泡少頃或童便浸三日去皮臍切作四椹川甘

草濃汁二鍾慢火煎之汁乾為度或用甘草二

錢薑汁鹽水童便各半盞同煮出火氣生用只

切薄片以東流水同

黑豆浸五日曬乾用

治附子辛温有大毒主風寒欬逆邪氣寒濕拘攣膝痛
破癥瘕積聚霍亂轉筋下痢赤白温中強陰堅肌骨墮
胎温煖脾胃除脾濕腎寒補下焦之陽虛治三陰傷寒
陰毒寒疝中寒中風痰厥氣厥風濕麻痺脚氣頭風暴
瀉脫陽反胃噎膈癰疽不斂久漏冷疾

主治烏頭主諸風助陰退陽功同附子而稍緩

發明附子氣厚味薄可升可降陽中之陰浮中沉無所不
至走而不守爲十二經引用之藥

烏附天雄皆是補下焦命門陽虛之藥若是補上焦陽
虛卽屬心脾之分當用參芪不當用天雄也且烏附天

雄之尖皆是向下生者其氣下行

熟附配麻黃發中有補仲景麻黃附子細辛湯麻黃附子甘草湯是也生附配乾薑補中有發仲景乾薑附子湯通脈四逆湯是也

附子無乾薑不熱得甘草則性緩得桂則補命門得生薑則發散

附子性重溫脾逐寒川烏頭性輕溫脾去風若是寒疾卽用附子風疾卽用川烏頭一云凡人中風不可先用風藥及烏附必先用氣藥後用烏附乃宜也凡用烏附藥並宜冷服者熱因寒用也蓋陰寒在下虛陽上浮治

之以寒則陰氣益甚治之以熱則格拒而不納熱藥冷
飲則下咽之後冷體既消熱性隨發此反治之妙也昔
仲景治寒疝內結用蜜煎烏頭近效方治喉痺用蜜炙
附子含之嚥汁丹溪治疝氣用烏頭梔子並熱因寒用
也東垣治陰盛格陽傷寒面赤目赤煩渴引飲脈來七
八至但按之則散用薑附湯加人參投半斤服之得汁
而愈此則神聖之妙也

附子乃陰症要藥凡傷寒傳變三陰及中寒夾陰雖身
大熱而脈沉者必用之或厥冷腹痛脈沉細甚則唇青
囊縮者急須用之有退陰回陽之力若疑似不用直待

陰極陽竭而用之遲矣且夾陰傷寒內外皆陰必以人參健脈益元佐以附子溫經散寒乃能救之

俗方治麻痺多用烏附其氣暴能衝開道路故氣愈麻及藥盡而正氣行則麻病愈矣

附子白朮爲佐乃除寒濕之聖藥又益火之源以消陰翳則便溺有節烏附是也

附子稟雄壯之質有斬關奪將之氣能引補氣藥行十二經以追復散失之元陽引補血藥入血分以滋養不足之真陰引發散藥開腠裏以驅逐在表之風寒引溫煖藥達下焦以祛除在裏之冷濕

丹溪謂仲景八味丸用附子以爲少陰向導取其健悍走下以行地黃之滯王履則以仲景八味丸爲陰火不足者設非爲行滯也好古以身附非身涼而四肢厥者不可僭用服附子以補火必防涸水

選方

湯少陰傷寒脈微細但欲寐小便白色麻黃附子甘草
湯少陰發熱脈沉者麻黃附子細辛湯少陰下利清
穀裏寒外熱手足厥逆脈微欲絕反不惡寒面赤或
腹痛或乾嘔或咽痛通脈四逆湯陰病惡寒芍藥甘
草附子湯陰極發躁乾薑附子湯陰盛格陽霹靂散
前數方並君附子方不詳載

中風痰厥不知人口眼喎斜并體虛患瘧寒多者五生
飲生烏頭生附子生南星生木香生薑方見中風氣
厥亦同

中風偏廢生附子一箇去皮臍羗活烏藥各一兩每服
四錢生薑三片煎服

半身不遂附子一箇酒浸一七日隔日服一合

風寒濕痺麻木不仁或不遂生川烏頭末每以香白米
煮粥一碗入末四錢慢熬下薑汁一匙蜜三大匙空
腹服之脾主四肢肝侵脾而四肢病也此方最有力

而驗

麻痺疼痛腰膝痺痛或悶衄痛不可忍生烏頭不去皮
五靈脂各四兩威靈仙五兩洗焙爲末酒糊丸梧子
大每服七丸至十丸鹽湯下忌茶此藥常服其效如
神

十指疼痛或麻木生附子去皮臍木香等分生薑五片

煎服

體虛有風生附子生天南星各二錢生薑十片慢火煎
服

諸風及婦人血風頭痛目眩腸風臟毒下血不止者痛
風攣攣頰不收者川烏頭炮去皮臍一兩荆芥穗

二兩爲末醋糊梧子大温酒或湯服二十九

搜風順氣烏附丸川烏頭二十箇香附子半斤薑汁淹
一宿炒焙爲末酒糊丸梧子大每温酒下十九丸肌體
肥壯有風痰者宜常服之

治風寒客于頭中清涕項筋急硬胸中寒痰用大附子
或大川烏二枚去皮蒸過川芎生薑各一兩焙研以
茶湯調服一錢

腎氣上攻頭項不能轉移椒附丸大熟附子一枚爲末
每用二錢以椒二十粒用白麪填滿椒口水一盞半
薑七片煎七分去椒再入鹽少許空心點服

頭風痛二三十年不愈者生烏頭四兩南星炮一兩為

末每服二錢細茶三錢薄荷七葉鹽梅一箇水煎臨

臥服

薑附湯浴體虛中寒昏不知人及臍腹冷痛霍亂轉筋

一切虛寒之病生附子乾薑炮製各一兩每煎服三

錢

心腹疝氣川烏頭炮山梔子各一錢為末入薑汁一匙

湯服梔子降濕熱烏頭破寒鬱烏頭為梔子所引其

性急速不留胃中也

鼻淵腦漏川生附末葱涕和入泥盒涌泉穴

寒厥心痛及小腸膀胱痛熟附子鬱金橋紅各一兩爲末醋糊丸如酸棗大每服六丸男子酒下女子醋湯

下

寒疝身痛手足逆冷用烏頭桂枝湯主之以烏頭蜜製入桂枝湯中服之如醉狀得吐爲中病
小腸諸疝汗出厥逆炮附子一枚山梔子炒黑四兩每用二錢水一盞酒半盞煎入鹽少許溫服一方附子刺蒺藜等分煎服

虛寒腰痛鹿茸去毛酥炙微黃附子炮去皮臍各二兩鹽花三分爲末棗肉和丸梧子大每服三十九空心

溫酒下

久冷反胃附子一箇生薑一兩剉細同煑研如糊每米

飲化服一錢

胃冷有痰脾弱嘔吐生附子半夏各二錢薑十片煎服

小一方並炮熟加木香五分

脾寒瘡疾寒多熱少或但寒不熱附子鹽湯浸炮七次

去皮臍分作二服生薑七片棗七枚煎七分露一宿

發日空心服

小便虛閉兩尺沉微用利小水藥不効者乃虛寒也炮

附子一箇鹽水浸良久澤瀉一兩每服四錢燈心七

莖煎服卽愈

喉痺腫塞附子去皮炮令坼以蜜塗上炙之令蜜入切片含之嚥汁已成卽膿出未成卽消

腫病喘滿用利藥性寒小便愈不通醫多束手蓋中焦下焦氣不升降爲寒痞隔故水凝而不用生附子

一箇切片生薑十片入磨沉香一錢同煎食前冷飲

老人虛泄附子炮一兩赤石脂一兩爲末醋糊丸每服十九丸洞泄者附子炮一兩木香半兩醋糊丸陳皮湯

下

久痢赤白獨聖丸以烏頭一箇灰火燒烟盡出火氣酒

化蠟丸如大麻子大每服三丸赤痢黃連甘草黑豆湯下白痢甘草黑豆湯下

下血虛寒日久腸冷者熟附子去皮枯白礬一兩爲末每服三錢米飲下

陽虛吐血生地黃一斤搗汁入酒少許以熟附子一兩半去皮臍切片入汁內石器煮成膏取附片焙乾入山藥三兩研末以膏和丸梧子大每空心米飲下三十九丸屢發屢效

虛火背熱如火灸者附子末津調塗涌泉穴

經水不調血臟冷痛熟附子當歸等分每服三錢水煎

補上焦之陽虛一云天雄可為下部之佐其尖向下故

也

選方男子失精天雄三兩炮白朮八兩桂枝六兩龍骨三

兩為散每服半錢酒下風寒濕氣

治元陽素虛寒邪外攻手足厥冷大小便滑數六脈沉

微及傷寒陰毒用三建湯烏頭附子天雄並炮製去

皮臍等分每服四錢薑十片水煎溫服三建者三種皆出建平也

天南星處處平澤有之入牛膽內懸有風處陳者尤良生薑湯多泡亦可用火炮尤能去毒

主治天南星苦溫有大毒主風痰麻痺眩暈口噤身強筋

脈拘緩口眼歪斜堅積癰腫補肝風虛治痰功同半夏

發
明 天南星得防風則不麻得牛膽則不燥得黃柏則下
行得火炮則不毒

天南星乃手足太陰脾肺之藥味辛而麻故能治風散
血氣溫而燥故能勝濕除涎性緊而毒故能攻積拔腫
而治口喎舌糜

選
方 諸風口噤南星炮剉大人三錢小兒三字生薑蘇葉
同煎更宜以人參石菖蒲佐之

治痰嗽南星半夏等分熱痰加黃芩濕痰加白朮氣痰
加桂詳見半夏

風痰頭痛不可忍南星炮荆芥穗各一兩爲末薑汁糊

提靈本草 卷之五
丸食後每服二十九薑湯下

風痰頭暈用南星火炮半夏薑汁炒各一兩天麻半兩

白麴二兩同爲末水丸食後每服三十九薑湯下

右邊臂痛多屬痰濕南星炮蒼朮等分生薑三片水煎

服之

風痰欬嗽南星炮爲末每服一錢薑三片每日早午晚

各一服氣痰加陳皮半夏

中風中氣初起星香散用生南星四錢木香一錢生薑

十四片煎服

治癰利痰天南星煨香一兩硃砂一錢爲末猪心血丸

服

清氣化痰三仙丸南星炮半夏製各五錢香附一兩糊

丸薑湯下

喉風喉痺天南星一箇剉心入白僵蠶七枚紙包煨熟

研末薑汁調服一錢

南星炮為末醋調塗顙門治斛顛

南星生為末醋和貼頭面生瘤結核

半夏

出青州者佳吳中亦有之大而白者佳水浸七日每日換水衣去淨更以生薑明礬皂角同煮透晒用造

麴法以半夏洗淨去衣研以薑汁礬湯搜和作餅楮葉包如製醬豆法反身頭

主治 半夏辛平有毒主傷寒寒熱心下堅胸脹欬逆頭眩

咽喉腫痛腸鳴下氣止汗消痰下肺氣開胃健脾止嘔
去痰

發明半夏止嘔吐爲足陽明除痰爲足太陰助黃芩柴胡
主往來寒熱是又足少陽陽明也

二陳湯治一身之痰世人執之凡有痰者皆用二陳內
有半夏其性燥烈若風痰寒痰濕痰食痰則相宜至于
勞痰失血諸痰用之反能燥血液而加病不可不知

俗以半夏性燥有毒多以貝母代之貝母乃太陰肺經
之藥半夏乃太陰脾陽明胃經之藥何可代也夫欬嗽
吐痰虛勞吐血或痰中見血諸鬱咽痛喉痺肺癰癰疽

婦人乳難此皆貝母爲向導半夏乃禁用之藥若涎者脾之液美味膏粱炙燂皆能致脾胃濕熱故涎化爲痰久則痰火上攻令人昏憤口噤偏廢僵仆舌蹇不語生死旦夕自非半夏南星曷可治乎若以貝母代之則翹首待斃矣

半夏能主痰飲及腹脹者爲其體滑而味辛性溫也涎滑能潤辛溫能散亦能潤故行濕而通大便秘竅而泄小便世俗皆以南星半夏爲性燥誤矣濕去則土燥痰涎不生非二物之性燥也古方治咽痛喉痺吐血下血多用二物二物亦能散血故破傷打撲皆主之惟陰虛

勞損則非濕熱之邪而用利竅行濕之藥是乃重竭其
津液醫之罪也豈藥之咎哉甲乙經用治夜不眠是果
性燥者乎

胃冷嘔噦半夏爲方藥之最要辛者散也潤也半夏之
辛以散逆氣結氣除煩嘔發聲音行水氣而潤腎燥

選方中焦痰涎半夏泡七次四兩枯礬一兩爲末薑汁或

棗肉和丸服

風痰頭運嘔逆脈絃者水煮金花龍用生半夏生天南
星寒水石煨各一兩天麻半兩雄黃二錢小麥麩三
兩爲末水和成餅水煮浮起漉出搗丸梧子大每服

五十九薑湯下極效

目不得瞑素問治以半夏湯衛氣行于陽陽氣滿不得入于陰陰氣虛故目不得瞑半夏五合煮一升半飲汁一合日三以知爲度

治痰嗽用半夏南星爲君熱痰加黃芩等分濕痰加白朮倍半夏氣痰加官桂減半並糊丸服肺痰多燥則用半夏瓜蒌等分丸服

結胸心下按之則痛脈浮滑者小陷胸湯半夏半升黃連一兩栝蒌實大者一箇先煮栝蒌去滓內二味分

三服

掛靈本草卷之五
六
停痰冷飲嘔逆橘半湯半夏煮熟陳橘皮各一兩每服

四錢薑七片煎服

停痰留飲胸滿氣短或眩悸苓半湯半夏泡五兩茯苓

三兩每服四錢薑七片煎服

嘔家本渴不渴心下有支飲也小半夏湯半夏泡七次

一升生薑半升水七升煮一升分服

嘔逆欲死半夏生薑主之即上方

嘔吐反胃服小半夏不愈者用大半夏湯半夏三升人

日參三兩白蜜一升水一斗二升和搗之百徧煮取三

升溫服一升日再

胃寒嘔逆藿香半夏湯半夏泡炒二兩藿香葉一兩丁香半兩每服四錢薑七片煎服

傷寒乾噦半夏熟洗爲末生薑湯下一七

妊娠嘔吐半夏二兩人參乾薑各一兩薑汁和糊丸梧

子大每服十丸

妊娠忌半夏恐其墮胎嘔吐則其氣上逆故用之

霍亂腹脹半夏桂等分爲末服方寸七

黃疸喘滿小水自利不可除熱半夏生薑各半斤水七

升煑一升五合分再服有人氣結而死服之卽活

老人虛祕及痲痺冷氣半硫丸半夏炮生硫黃等分爲

末自然薑汁煮糊丸空心溫酒下

少陰咽痛生瘡不能言語苦酒湯主之半夏七枚搥碎
雞子一枚頭開一竅去黃納苦酒令小滿入半夏在
內坐于炭火上煎三沸去滓置盆中時時嚙之未瘥
再作極驗

卒死生半夏末吹鼻中即活兼治五絕

射干

所在皆有凡使米泔浸一宿以竹葉煮之晒乾用

主治射干根苦平有毒主欬逆上氣喉痺咽痛療老血在

心脾間去胃中癰瘡

發射干能降火故古方治喉痺咽痛為要藥孫真人治

喉痺有鳥翼膏張仲景治欬而上氣喉中作水雞聲有

射干麻黃湯又治瘧母驚甲煎亦用烏翼皆取其降厥

陰相火也火降則血散腫消而痰結自解癥瘕自消矣

傷寒陽毒發斑亦用之

選方咽喉腫痛射干花根山豆根並為末吹之如神陰虛咽痛

不可用

芫花

在處有之陳久者良醋煮數沸更以水浸一宿晒乾用不可近眼反甘草

主治芫花辛溫有大毒主欬逆止氣水飲痰癖脇下痛

發明仲景治傷寒太陽表不解心下有水氣小青龍湯主

之若表已解心下有水氣十棗湯主之小青龍治水發

表散邪使水氣自毛竅而出內經所謂開鬼門也十棗

湯驅逐裏邪使水氣自大小便而洩乃內經所謂潔淨
府去陳莖法也夫飲有五皆由內啜水漿外受濕氣鬱
蓄而爲留飲流于肺則爲支飲又爲懸飲令人喘嗽寒
熱吐沫痛引缺盆流于心下則爲伏飲令人胸滿嘔吐
寒熱眩暈流于腸胃則爲痰飲令人腹鳴吐水胸脇支
滿或作洩瀉流于經絡則爲溢飲令人沉重注痛或肘
腫芫花大戟甘遂之性逐水洩濕能直達水飲窠囊隱
僻之處可徐徐用之不可過劑洩人真元也陳氏三因
方以十棗湯藥爲末棗肉和丸蓋善變通者也
選心痛有蟲芫花一錢醋炒雄黃一分爲末每服一字

温醋湯下末蜜天鹽燻下

牙痛難忍諸藥不效羌花末擦之令熱痛定温水漱之

兔絲子

朝鮮多寃句者獨佳一種色黃一種色淺功效並同田野多有酒浸一宿焙乾研用一云酒浸四五日蒸晒四五次研作餅焙乾再研末研時入紙條數枝則有力也

主治兔絲子辛甘平無毒主續絕傷補不足益氣力肥健

人養肌強陰堅筋骨莖中寒精自出溺有餘瀝口苦燥

渴腰疼膝冷消渴熱中潤心肺補肝臟風虛

發明簡誤云兔絲子腎家多火強陽不痿者忌之大便燥

結者亦忌之

選方仙方单服法取實一斗酒一斗浸曝乾再浸又曝令

屋震本草卷之五

七

酒盡乃止搗篩每酒服二錢日三服此藥治腰膝去
風兼能明目久服令人光澤老變爲少十日外飲啖
如湯沃雪也煎汁飲止消渴

陽氣虛損兔絲子熟地黃等分爲末酒糊丸梧子大每
人服五十丸氣虛人參湯下氣逆沉香湯下又方同杜
仲各一兩以薯蕷末酒煮作糊丸酒下

白濁遺精心腎虛損菝葜丸兔絲子五兩白茯苓三兩
石蓮肉二兩爲末酒糊丸空心鹽湯下

小便赤濁心腎不足精少血燥口乾煩熱兔絲子麥門
冬等分爲末蜜丸鹽湯下

小便淋瀝兔絲子煮汁服

腰膝疼痛或頑麻無力兔絲子牛膝等分同入銀器內

酒浸一寸五分暴為末將原酒煮糊丸酒服

婦人橫生兔絲子車前子等分為末酒服二三錢

五味子 出高麗者多肉而酸甜出青冀者多酸今有南北之分南五味治寒嗽北五味治虛損勞嗽酒拌蒸

用

主治 五味子酸溫無毒主益氣欬逆上氣勞傷羸瘦補不

足強陰益精生津止渴治瀉痢補元氣不足壯水鎮陽

收耗散之氣

發明 五味子酸鹹入肝而補腎辛苦入心而補肺甘入中

宮益脾胃

肺欲收急食酸以收之以酸補之芍藥五味之酸以收

逆氣而安肺

五味子收肺氣乃火熱必用之藥故治嗽以之爲君但有外邪者不可驟用恐閉其邪氣必先發散而後用之有痰者以半夏爲佐喘者阿膠爲佐

五味子能收肺補腎食之多致虛熱者蓋收補之驟也若黃昏嗽乃火氣浮入肺中不宜用涼藥宜五味五倍斂而降之夏季之間困乏無力無氣以動與黃芪麥門冬少加黃檗煎湯服之使人精神頓加兩足筋力涌出

益五味子輔人參瀉丙火而補庚金收斂耗散之氣

選方久嗽肺脹五味二兩粟殼白錫炒過半兩為末白錫

瓦彈子大每服一丸煎服

久欬不止五味子五錢甘草一錢半五倍子風化硝各

二錢為末乾噙

痰嗽并喘五味子白礬等分為末每服三錢以生豬肺

炙熟蘸末細嚼白湯下一人病此百藥不效兩服病

遂不發邪盡者宜之

五更腎泄用五味子二兩以強腎水養五臟吳茱萸湯

泡七次五錢以除脾濕同炒香為末每旦陳米飲服

二錢

女人陰冷無子五味子四兩為末以口中玉泉和丸如

兔矢大納陰中

陽事不起新五味子一斤為末酒服方寸七日三服忌

猪魚蒜醋盡一劑即得力百日以上可御十女四時

勿絕出千金方近有酒製人參製鹽水製人乳製四

法服四十日以上其功亦同腎虛遺濁者並可單服

覆盆子

處處有之味甘美色烏赤者為是色紅者為茅莓不入藥酒浸一宿焙去蒂再以水洗兩遍又晒乾

方用

主覆盆子甘平無毒主益氣補虛續絕強陰健陽令陰

氣堅長女人有子補肝明目縮小便

發明簡誤治男子精氣虛乏及中年無子同車前五味兔

絲蒺藜丸服

選陽事不起覆盆子酒焙研為末每旦酒服三錢

馬兜鈴 秦晉江浙皆有之焙用

治馬兜鈴苦寒無毒治肺熱欬嗽痰結喘促補肺去肺

中濕熱

發明馬兜鈴懸而四開有肺之象故能入肺寒能清肺熱

辛苦能降肺氣錢氏補肺阿膠散用之非取其補肺也

清熱降氣則肺安矣其中所用阿膠糯米則補肺之藥

也用多亦能作吐故崔氏方用以吐蠱其不能補肺可

知矣

選水腫腹大馬兜鈴煎湯日服之

一切心痛馬兜鈴一箇燈上燒存性為末温酒服之效

使君子

嶺南諸郡皆有之

治使君子甘温無毒主小兒五疳小便白濁殺蟲療瀉

痢健脾胃除虛熱小兒瘡癬

發明凡殺蟲藥多苦辛惟使君子樞子甘而殺蟲但每月

上旬侵晨食使君子仁數枚次日蟲皆死而齒也忌飲

熱茶犯之即瀉此物味甘氣温既能殺蟲又益脾胃所

以能斂虛熱而止瀉痢

牽牛 處處有之研取頭末去皮用

主治牽牛子苦寒有毒一云辛熱雄烈為是主下氣脚滿

水腫痲痺氣塊除虛腫落胎逐痰消飲通大腸氣祕風

祕達命門

發明牽牛以氣藥引則入氣以大黃引則入血

牽牛乃瀉氣之藥能泄氣中濕熱不能除血中濕熱濕

從下受下焦主血血中之濕宜苦寒之味反以辛熱藥

泄之傷人元氣故仲景治七種濕熱小便不利無一藥

犯牽牛者

牽牛治水氣在脾喘滿腫脹下焦鬱遏腰背脹重及大腸風秘氣秘卓有殊功但病在血分及脾胃虛弱而痞滿者則不可取快一時一夫人平生苦腸結病旬日一行甚于生產服養血潤燥藥則泥膈不快服消黃通利則若罔知此三焦氣滯有升無降津液皆化爲痰飲不能下滋腸腑非血燥比也乃用牽牛末阜莢膏丸與服卽通自是但覺腸結一服就順亦不妨食一人素多酒色病下極脹痛二便不通者七晝夜乃濕熱之邪在精道壅脹隧路病在二陰之間乃用棟實茴香穿山甲諸藥入牽牛加倍一服而減三服而平牽牛能達右腎命

門走精隨人所不知惟身耳耳之知之古曰之
下焦陽虛天真丹用牽牛以鹽水炒黑入佐沉香杜仲
破故紙官桂諸藥深得補瀉兼資之妙東垣治脾濕太
過通身浮腫喘不得臥海金沙散亦以牽牛爲君則牽
牛未盡棄而不用也

遠方腎氣作痛黑白牽牛炒爲末每服三錢用猪腰子切
縫入茴香百粒川椒五十粒煨食酒下

諸水飲病如長川泛溢非杯勺可取必以禹功散決之
用黑牽牛頭末四兩茴香一兩炒爲末每服一二錢
以生薑自然汁調下當轉下氣也

陰水陽水黑牽牛頭末三兩大黃末二兩陳米飯鍋焦

一兩丸服每服五十丸薑湯下欲利則服百丸二藥一寒

一熱

栝樓實出近地反烏頭

主治栝樓實苦寒無毒一云味甘主胸痺潤肺燥降火治

欬嗽滌痰結利咽喉止消渴利大腸消癰腫

發明栝樓實補肺降氣為治嗽之要藥又能洗滌胸中垢

膩鬱熱為治消渴之神劑

選方痰欬不止瓜蒌仁一兩文蛤七分為末以薑汁澄濃

脚丸彈子大噙之

乾欬無痰瓜萸搗爛絞汁入蜜等分加白礬一錢熬膏

類含嚙

痰喘氣急瓜萸二箇明礬一棗大同燒存性研末以熟

蘿蔔蘸食

肺痿欬血不止用瓜萸仁五十箇連瓢瓦焙烏梅肉五

十箇焙杏仁去皮尖炒三十一箇爲末每用一捻以

猪肺一片摻末入內炙熟冷嚼嚙之日再

仲景治胸痺寸脈沉遲關上緊數大瓜萸實一枚切薤

白半斤以白酒七升煮二升分再服取其甘寒不犯

胃氣能降上焦之火使痰氣下降也

消渴煩亂黃栝樓一箇酒一盞洗去皮取瓢煎成膏入

白礬末一兩爲丸梧子大每服米飲下一錢

時疾發黃狂悶煩熱黃瓜萋一枚新汲水丸合淘取汁

入蜜半合朴硝八分分再服便瘥單服亦治黃疸

久痢五色瓜萋一箇煨存性出火毒爲末作一服溫酒

服之有患痢半年服之立愈滌腸垢故也

便毒初發瓜萋一箇黃連五錢水煎連服效

胞衣不下瓜萋實一枚取子細研以酒與童便各半盞

煎七分溫服

咽喉腫痛語聲不出瓜萋皮白殭蠶炒甘草炒各二錢

半為末每服三錢半薑湯下

天花粉

即栝蒌根處處有之去皮切片水浸三日逐日換水搗如泥絹袋濾出粉用反身頭

主天花粉苦寒無毒主消渴身熱煩滿大熱補虛安中

療八疸熱狂時疾消腫毒乳癰

發明栝蒌根純陰解煩渴行津液胸中枯涸者非此不能

除

微苦降火甘不傷胃

選方消渴飲水用澄淨天花粉每服方寸七或同乳酪服

或同黃連等分蜜丸或同人參等分蜜丸麥冬湯下

百合病栝蒌根牡蠣熬等分為散服方寸七

黑疸危疾瓜萋根一斤搗汁六合頓服隨有黃水從小

便出未出再服

小兒發黃或熱病俱用括萋粉和蜜或乳服

虛熱欬嗽天花粉一兩人參三錢為末每服一錢米湯

煎下

腫毒初起瓜萋根醋熬燥搗為末再以醋和塗紙上貼

熱之一方瓜萋根赤小豆等分為末醋調塗之

產後吹乳腫硬疼痛輕則妬乳重則為癰天花粉一兩

乳香一錢為末溫酒每服二錢

葛根處處有之

天主
治 葛根辛甘平無毒主消渴身熱嘔吐諸痺解毒療傷
寒中風頭痛解肌發表解酒毒發瘡疹難出

發

明 葛根升陽生津脾虛作渴者非此不除勿多用恐傷

胃氣仲景治太陽陽明合病桂枝湯內加麻黃葛根又
有葛根黃芩黃連解肌湯是用此以斷太陽入陽明之
路非即太陽藥也頭顱痛如破乃陽明中風可用葛根

葱白湯爲陽明仙藥若太陽初病未入陽明而頭痛者
不可便服升麻葛根發之是反引邪氣入陽明爲引賊
破家也

凡斑痘已見紅點不可用葛根升麻湯恐表虛反增斑

爛也乾葛輕浮鼓舞胃氣上行生津液又解肌熱治脾胃虛弱泄瀉聖藥也

麻黃乃太陽經藥兼入肺經肺主皮毛葛根乃陽明經藥兼入脾經脾主肌肉皆輕揚發散而所入迥然不同也

選方金瘡中風痙強欲死生葛根四兩水煮分服弘景云葛根療金瘡斷血為要藥煎汁可服熬屑可傅

葛花

治葛花性味亦同能消酒毒

天門冬處處有之去心酒洗用反
鯉魚中毒用浮萍汁解之

主治天門冬苦平無毒主風濕偏痺強骨髓肺氣欬逆喘

息肺痿肺癰潤五臟補勞傷通腎氣去寒熱養肌膚利

小便陽事不起宜常服之潤燥滋陰清金降火二兩五

發明天麥門冬並入手太陰祛煩解渴止欬消痰而麥門

冬兼行手少陰清心降火使肺不犯邪故止欬立效天

門冬行足少陰滋腎助元全其母氣故清痰殊功蓋腎

主津液燥則凝而爲痰得潤劑則化所謂治痰之本也

天麥門冬人參五味枸杞子五藥同爲生脈之劑然生

地黃貝母爲天門冬之使熟地黃車前爲麥門冬之使

茯苓爲人參之使若有君無使是獨行無功也故長生

不老丹用天門冬三斤地黃一斤乃有君而有使也

聖化經云以天門冬茯苓等分為末日服方寸匕則不

畏寒大寒時單衣汗出也

天門冬清金降火益水之上源故能下通腎氣入滋補

方合羣藥用之有效若脾胃虛寒人單餌既久必病賜

滑反成癘疾此物性寒而潤能利大腸故也醫方摘要

云若動大便以酒服之

選陰虛火動有痰不堪用燥劑者天門冬肉大二兩五

身味子去核取肉四兩共搗丸梧子大每服二十丸茶

天門冬苦平無毒主風濕骨節痛

滋陰養血三才丸用天門冬去心生地黃各二十兩同
以酒酒九蒸九晒待乾秤之人參十兩爲末水蒸棗
肉搗和丸梧子大每服三十丸温酒下日三

婦人骨蒸煩熱寢汗口乾引飲氣喘天門冬十兩麥門
冬八兩並去心爲末以生地黃三斤取汁熬膏和丸
以逍遙散去甘草煎湯下

百部 處處有之形似天門冬乾則虛瘦酒浸焙

治主百部甘微温無毒主欬嗽上氣治肺熱潤肺傳尸骨

蒸殺一切蟲

發明百部亦天門冬之類故皆治肺病殺蟲但百部氣温

而不寒寒嗽宜之天門冬性寒而不溫熱嗽宜之此為

異耳

暴咳嗽百部根漬酒每溫服一升日三或用生薑各搗

汁等分煎服三十年嗽百部根二十斤搗汁煎如飴

或加蜜二斤或加飴一斤服方寸七日三

小兒寒嗽百部丸百部炒麻黃去節各七錢半杏仁去

皮尖炒水煮二三沸研如泥入熟蜜和丸阜子大每

服二三丸

何首烏

有雌雄二種雄者淺紅雌者淡白忌鐵器竹刀切去黑反米泔浸用黑豆蒸九次乃佳忌猪羊血

主治何首烏苦瀋微溫無毒主瘰癧癰腫益血氣長筋骨

益精髓

發明何首烏足厥陰少陰藥也白者入氣分赤者入血分

此物氣溫味苦瀉肝主疎泄腎主閉藏苦補腎溫補肝

能收斂精氣能養血益肝固精益腎不寒不燥功在地

黃天門冬之上氣血太和則風虛癰腫瘰癧諸疾可除

矣

選方烏鬚髮壯筋骨固精氣續嗣延年邵真人七寶美髯

丹赤白何首烏各一斤米泔浸三四日刮去皮黑豆

二升淘淨鋪甑九蒸九晒每次換豆赤白茯苓各一

斤去皮研末淘去脚人乳浸晒牛膝八兩酒浸蒸當

歸入兩酒浸晒枸杞子八兩酒浸晒兔絲子八兩酒
浸生芽研晒補骨脂四兩以黑芝麻炒香並為末蜜
丸彈子大每日三丸清晨溫酒下午時薑湯下臥時

鹽湯下

此法治骨固熱兼補氣平將真人吐寶美湯

骨軟風疾腰膝行步不得徧身瘙癢何首烏大者同牛

黃膝各一斤以好酒六升浸此宿曝乾并末棗肉和丸

治梧子大每服三五丸空心酒下不寒不熱也并丸

大風癘疾何首烏大者一斤米泔浸丸蒸晒胡麻四兩

丸蒸晒為末每酒服二錢日再入煎代茶香入血代

草薺

川產者良亦生真定山谷有黃白二色蔓生莖白實
而有刺近道所出名為冷飯團專治楊梅瘡一名土

茯苓根莖
葉皆不同

主草薺苦平無毒主腰脊痛強骨節風寒濕周痺陰痿
失溺白濁莖中痛膀胱宿水

發明草薺足陽明厥陰藥也厥陰主筋屬風陽明主肉屬
濕草薺之功長于去風濕所以能治緩弱瘡痺遺濁惡
瘡諸病之屬風濕者雷斅云囊皺漩多夜煎竹木卽草
薺也漩多白濁皆是濕氣下流草薺能除陽明之濕而
固下焦凡因貪酒色積有熱毒腐物淤血之類隨虛水
入于小腸故便時作痛或過飲過食辛熱葷膩而然此
乃小便頻數而痛與淋症澁而痛者不同也宜用草薺

一兩水浸少時以鹽半兩同炒去鹽爲末每服二錢水煎和滓服使水道轉入大腸仍以葱湯頻洗穀道則小便數及痛自減也

選方腰脚痺軟草薺三兩杜仲一兩搗篩每旦溫酒服三

錢禁牛肉

白濁類數漩面如油澄下如膏乃真元不足下焦虛寒

草薺分清飲用草薺石菖蒲益智仁烏藥等分每服

六四錢入鹽一捻煎服

腸風痔漏如聖散草薺貫仲等分爲末每服三錢溫酒

空心服

山豆根

出廣西

主治山豆根甘寒無毒一云味極苦良是主解諸藥毒含

之嚙汁解咽喉腫毒卒患熱厥心腹痛解蠱毒

選方解中蠱毒密取山豆根和水研服少許未定再服已

禁聲者亦愈

牙齦腫痛山豆根一片含于痛處

喉中發癰山豆根磨醋噙之追涎即愈不能言者以雞

翎掃入喉中引涎出就能言語

喉風急證牙關緊閉水穀不下山豆根白藥等分水煎

噙之嚙二三口即愈

威靈仙

隨處平澤皆有不開水聲者良炒用

治威靈仙苦温無毒主諸風宣通五臟去冷滯痰積癥

瘕瘕癥勝脫宿膿惡水

明發威言其性猛靈仙言其功神也風濕痰飲之病氣壯

者服之有捷效其性大抵疎神久服恐損真氣真氣弱

者亦不可服之

威靈仙屬木治痛風之要藥也腰腎脚膝積聚腸胃諸

冷病積年不瘥者服之無不立效

方選諸風諸痛諸痺諸積及腰痛脚氣痛諸病並用威靈

山豆仙求酒服一錢利過兩行減之

防已

出漢中分漢木二名漢者是根本者是苗根黃實而苗輕虛不可不辨治風用木防已治水用漢防已去

皮酒洗
鴨乾用

治上

防已辛平無毒主風寒溫瘧熱氣利大小便療水腫

風腫去膀胱熱傷寒熱邪肺氣喘嗽

發明防已太陽藥也走下焦濕腫及痛并泄膀胱火邪必

用防已草龍膽為君黃檗知母甘草佐之

十劑云通可去滯通草防已之屬是也夫防已大苦寒

能瀉血中濕熱通其滯塞亦能瀉大便補陰瀉陽助秋

冬瀉春夏之藥也聞其臭則可惡下咽令人心煩亂

飲食減少至于濕熱壅塞及下注脚氣除膀胱濕熱非

此藥不可真行經之仙藥無可代之者若陰虛勞倦氣
損穀虧以防已泄大便則重亡其血不可用一也如大
渴引飲熱在上焦肺經氣分此不可用二也外傷風寒
邪傳肺經氣分濕熱而小便黃赤防已乃下焦血藥此
不可用三也故必下焦濕熱流入十二經致二陰不通
者然後審而用之

選皮水胛腫按之沒指不惡風水氣在皮膚中四肢聶

聶動者防已茯苓湯主之防已黃芪桂枝各三兩茯苓

苓六兩甘草三兩每服一兩水一升煎半升日再服

風水惡風汗出身重脈浮防已黃芪湯主之風濕相搏

關節沉痛微腫惡風亦主之防已一兩黃芪二兩二錢半白朮七錢半炙甘草半兩剉散每服五錢生薑四片棗一枚煎服腹痛加芍藥

小便淋瀝三物木防已湯用防已防風葵子各二兩水煎分三服

木通

細而白者佳
各小木通

主治木通辛平無毒一云甘主除脾胃寒熱通利九竅血脈關節癰腫諸結不消水腫浮大喉痺咽痛

發

明十劑云通可去滯通草防已之屬是也夫防已苦寒

能瀉血中濕熱之滯又通大便通草甘淡能助西方金

氣下降利小便專瀉氣滯也

木通手厥陰心包絡手足太陽小腸膀胱之藥也上能
通心清肺治頭痛利九竅下能泄濕熱利小便通大腸
凡人徧身胸腹隱熱疼痛拘急足冷皆是伏熱傷血
血
屬于心宜木通以通心竅則經絡流行也

選方心熱尿赤面赤唇乾咬牙口渴導赤散生地木通甘

草等分水竹葉七片煎服

釣藤 葉細莖長節間有刺形類釣鈎故名

主治釣藤甘微寒無毒主小兒寒熱十二驚癇大人頭旋

目眩平肝風除心熱小兒內釣腹痛

明鈞藤手足厥陰藥也足厥陰主風手厥陰主火驚癇
眩暈皆肝風相火之病鈞藤通心包于肝木風靜火息
則諸證自除

選方小兒驚熱鈞藤一兩消石半兩甘草炙一分爲散每
服半錢溫水服日三

卒得癇疾鈞藤甘草炙各二錢水煎日五夜三

斑疹不快鈞藤鈎子紫草茸等分每服一字或半錢溫

酒服

忍冬藤

處處有之

主治忍冬藤甘溫無毒一云小寒言溫者非也主寒熱身

腫腹脹滿止氣下滯一切風濕氣及諸腫毒癰疽散熱解毒

發忍冬藤莖葉及花功用皆同昔人稱其治風除脹解痢逐尸爲要藥而後世不復知用後世稱其消腫散毒治瘡爲要藥而昔人並未言及古今之理萬變不同如此

選方忍冬酒治癰疽發背初發便當服之其効勝于紅內消用忍冬藤生一把搗爛入酒少許稀稠得宜塗于癰疽四圍留一口洩其氣又用藤五兩木槌槌損不可犯鐵大甘草節一兩同入砂瓶內以水五盃文武

火慢煎至一盞入無灰酒一大盞再煎數沸去滓分
三服一日一夜喫盡病勢重者一日二劑服至大小
腸通利藥力方到

忍冬丸治消渴愈後預防發疽忍冬酒浸煨熟晒乾加
甘草少許爲末酒糊丸服亦能止渴

治乳癰忍冬藤二兩地丁一兩搗爛少煎少酒佐之服
罷欲睡睡後得汗卽安

癰疽托裏不問老幼虛實未成內消已成卽潰忍冬葉
黃芪各五兩當歸一兩甘草八錢末服二錢酒煎服
惡瘡久不愈用忍冬藤一把入雄黃五分水二升瓦罐

煎之以紙封七重穿一孔以瘡對孔薰之三時久大

出黃水後用生肌藥兩甘草入發末煎二發煎服

五種尸注忍冬莖葉數斛取濃汁煎每服雞子大温酒

化下

熱毒血痢忍冬藤濃煎汁飲

澤瀉

出漢中者佳

主澤瀉甘寒無毒主風寒濕痺乳難養五臟益氣力補

治虛損起陰氣止洩精消渴淋瀝逐停水補女人血海

發明澤瀉冷中微陽入足太陽少陰經本經云久服明目

扁鵲云多服昏目何也瀉伏水去留垢故明目小便利

腎氣虛故昏目

澤瀉多服病人眼今人止洩精多不敢用仲景八味丸用之者不過接引桂附等歸就腎經別無他意一云八味之用此蓋取其瀉腎邪養五臟于諸補藥羣衆之中則亦不能瀉矣一云古人用補藥必兼瀉邪邪去則補藥得力此一闔一闢之妙後世不知此理專一于補所以久服必有偏勝之害也

選方水濕腫脹及冒暑霍亂小便不利頭運引飲三白散用澤瀉白朮白茯苓各三錢水一盞薑五片燈心十

莖煎八分溫服

支飲苦眩冒仲景澤瀉湯澤瀉五兩白朮二兩水二升

煮一升分二服

菖蒲

生石蒲中一寸九節者佳刮去粗皮米泔浸飯上蒸凡使勿用泥菖蒲形黑氣穢味腥不堪用

治上菖蒲辛溫無毒主風寒濕痺欬逆上氣開心孔補五

臟通九竅明耳目出聲音

發明菖蒲氣溫味辛乃手少陰足厥陰藥心氣不足者用

之虛則補其母也脾苦急以辛補之是矣有云性辛溫
心血虛者不宜服損血故也

服菖蒲法采菖蒲緊小似魚鱗者一斤蒸製暴乾搗篩
糯米粥和熟蜜丸葛布袋盛風乾每日酒飲任下三十

九臨臥再服三十九久服能療一切諸風頑痺癱瘓

選方下痢禁口雖是脾虛亦熱氣閉隔心胸所致俗用本

香失之溫用山藥失之閉惟參苓白朮散加菖蒲粳
米飲調下或用參苓石蓮肉少入菖蒲服胸次一開
自然思食

喉痺腫痛菖蒲根嚼汁燒鐵秤錘淬酒飲之

尸厥客忤斃死並以菖蒲末吹鼻中桂末納舌下并以

菖蒲汁灌之

常嚼菖蒲無腹痛之疾

周癩仙語

赤白帶下石菖蒲破故紙等分炒爲末每服二錢

食積氣積血積致有臃脹菖蒲一倍班蝥半倍去翅足

炒去班蝥不用為末醋糊丸每服三五丸白湯下

陰汗濕癢石菖蒲蛇牀子等分為末日搽二三次

蒲黃 破血消腫者生用
補血止血者炒用

主治 蒲黃甘平無毒主心腹膀胱寒熱利小便止血消瘀

血

發明 蒲黃手足厥陰血分藥也故能治血治痛生則能行

熟則能生與五靈脂同用治一切心腹諸痛又同乾薑

為末治舌腫滿口則蒲黃之涼血活血可知蓋舌乃心

之外候而手厥陰相火乃心之臣使得乾薑是陰陽相

濟也

選 重舌生瘡蒲黃末傅之不過三上瘥

肺熱衄血蒲黃青黛各一錢新汲水服或同髮灰等分

生地汁調下諸血證亦同

金瘡出血悶絕蒲黃半兩熱酒灌下

關節疼痛蒲黃八兩熟附子一兩末服一錢涼水下

蒲黃散治崩中不能止破故紙蒲黃千年石灰炒各等

分爲末酒下

胎產欲動日月未足者蒲黃二錢并華水服胎衣不下

亦同

產後下血羸瘦欲死蒲黃二兩炒水煎頓服產後血瘀

亦同

聾耳耳翳並以蒲黃末摻之

石斛

凡用不宜誤用木斛石斛短而中實木斛長而中虛

主治石斛甘平無毒主傷中除痺下氣強陰益精逐皮膚

邪熱脚膝冷疼壯筋骨煖水藏

發石斛乃足太陰脾足少陰腎之藥深師云囊濕精少

小便餘瀝者宜加之一法每以二錢入生薑一片水煎

代茶甚清肺補脾也

石斛鎮涎澁丈夫元氣酒浸酥蒸服滿一鎰永不骨痛

又治胃中虛熱有功

中風腰脚疼痛石斛酒用之為君

骨碎補

生江南去毛
蜜潤蒸晒用

主治骨碎補苦温無毒主破血止血補傷折風血疼痛腎

虛久泄牙疼

發明骨碎補足少陰藥也故能入骨治牙及久泄痢有人

久泄諸藥不效用骨碎補末入猪腎中煨熟與食頓住

蓋腎主大小便久泄屬腎虛不可專從脾胃也雷公用

此方治耳鳴耳亦腎之竅也炒末指牙不獨治病極能

堅骨

選方痢後不善調攝兩足痿軟遂成癩風四芹丸加骨碎

補三分之一同研酒解服之

虛氣攻牙骨碎補慢火炒黑為末如常指齒良久吐之

或嚙之不獨治牙痛極能堅骨將落者數擦之再不

復動經用有神

東臯握靈本草卷之五終